



Saunoaga a le Minisita o Tina ma Tamaitai

Afioga Mulipola Anarosa Ale Molio'o i le faalauiloa o le polokalame "Ia fa'ae'e Mālama: Resilient Spirit Portraits of Samoa Women Warriors Initiative".

(Aso Tofi 10 Oketopa 2024, 9.00 i le taeao.)

Talofa Lava,

E iate au le fiafia tele e faalauiloa atu le amataga aloaia o se tasi o polokalame a le Matagaluega e taua o le "Ia fa'ae'e Mālama: Resilient Spirit Portraits of Samoa Women Warriors Initiative".

O lenei taumafaiga, o se tasi o galuega faaauau a le Matagaluega aua le tapisaina o le sao taua o tina ma tamaitai I atinae o aiga, nuu, ekalesia faapea Samoa atoa. O se fatu na toto mai i le faamanatuina o le Aso Faapitoa o Tina (International Women's Day) ia Mati o le tausaga nei, lea ua fua mai ile asō.

O le auga o lenei taumafaiga, ia aloaia le faamaumauga o le talafaasolopito o Tina ma Tamaitai ua iloga le latou sao ile atinaega o Samoa I so o se vaega o le soifugaga. O nei faamaumauga e auala mai I ata tusia (portraits), o se tusi (book) faapea se ata (documentary), o le a avea ma punaoa faa le aoaoga, e faalauaitete ai taumafaiga eseese o lo o taimua ai tina ma tamaitai Samoa. O le a atagia mai i lenei polokalame, le tele o mātā ti'a ua ausia e tina

ma tamaitai, ma o mātā ti'a e faaosofia ai le soifua tauivi ma le naunau ia atinae samoa mo a tatou tupulaga talavou faapea le fanau lalovaoa.

O le auga tonu lenei o le la fa'ae'e mālama, aua o nei mātā ti'a uma e tuulima atu, e tuugutu atu ma fae'e atu ma le faamoemoe e faaosofia ai moegaluaga o tupulaga fai mai ia fai measili mo Samoa.

O le tatalo, ia avea le faataitaiga lelei ua faia e nei tima ma tamaitai iloga e tapena ai leisi tupulaga o taitai I Samoa e alolofa I so tatou atunuu ma avea a latou taumafaiga ma auala o manuia mo le atunuu lautele.

O sei tasi lenei o faamamafa a le tatou malo, o loo I le tatou Fuafauga o Atinae o Nuu ma Afioga (Community Sector Plan 2024-2028) .

O lenei faamoemoe e amata atu ile asō e o o lava ile faamanautina o le Aso Faapitoa o Tina (International Women's Day) 2025.

O lo o iai foi le fuafuaga e faao'o atu lenei polokalame i Fono Faavae uma e 51 I le lumanai.

Oute fia faaleo ai foi le agaga faafetai ile Malo o Ausitalia I lau susuga I le Komisina Will Robinson faapea le sui o le UNICEF Khein mo le faatupeina o lenei polokalame taua. O le sao taua lenei o a tatou paaga mo le lagolagoina o atinae mo le atunu'u.

Lotolotoi le agaga o le atua I lenei faamoemoe aua se manuia mo Samoa a taeao

Soifua